

## სიყრმე სიბერედ ვაქციე (სიმღერა)

სიყრმე სიბერედ ვაქციე,  
ერი კი დ ვერა ერადა.  
იმედი მქონდა... ჩონგური  
მოვმართე, დავჯე მღერადა.

მეწადა, ჰანგი მსმენელთა  
გულისა ამაზრზენადა  
ჰქმნილიყო ჩემთა მოძმეთა,  
ცად აჰწია ზენადა.

შევამკე მთები მაღლები  
და ბარი ათასფერადა,  
აზრი საერთო, საქვეყნო  
მინდოდა გასაკვერადა;  
ამისთვის თავსა დავწიე,  
ვაქციე ნაცარ-მტვერადა.

ვადიდე გმირთა სახელი,  
მკლავი და სულით დიდობა,  
დავძრახე ქვეყნის ორგული  
და შეურაცხვეყავ ფლიდობა;  
სიმამლრე სიმშილზე ვცვალე,  
ფუფუნებაზე დ მწირობა.

მინდოდა არ შამებლალა  
მე წმინდა დედა-შვილობა.  
პირნათლად მივალ საფლავში,  
მტკიცედ დავიცევ პირობა.

ამას მითვლიან ცოდვადა,  
რაშიც მე მიჩნდა გმირობა;  
თავს დამჩხავიან ყორნები,  
გაუმართიათ ყრილობა.

შემირცხვა ზოგის ნამუსი,  
გრძნობა, აზრი და ზრდილობა:  
კაცობად დაუსახიათ  
სიჩერჩეტე და ვირობა!

რა მეთქმის? გული მკვდარია,  
ცრემლი მდის ნუგემ-მწველადა;  
მე კაცთა შორის მეტი ვარ,  
უნდა გავიჭრა ველადა,  
რაკი გადიქცა ეშმაკი  
ტკბილ მოსაუბრე გველადა  
და თანამომძე ეს ჩემი დ  
მის ყურისმგდებელ ევადა,  
როს გახდა საქვეყნო საქმე  
უსუსურთ საღეჭ კევადა.

1907 წ.